



SLUŽBENI GLASNIK OPĆINE KALESIJA

Godina: XLII

Ponedjeljak, 16.07.2007. godine
K A L E S I J A

Broj: 6

OPĆINSKO VIJEĆE

49

Na osnovu člana 13. stav 11. alineja 10. Zakona o principima lokalne samouprave u Federaciji Bosne i Hercegovine («Službene novine Federacije BiH», broj 49/06) i člana 41. Statuta općine Kalesija («Službeni glasnik općine Kalesija», broj 7/03 i 12/05), Općinsko vijeće Kalesija, na sjednici održanoj dana 12.07.2007. godine, d o n o s i

O D L U K U

o davanju saglasnosti na zaključenje Sporazuma o bratimljenju općine Kalesija i općine Kaš

Član 1.

Daje se saglasnost na zaključenje Sporazuma o bratimljenju između općine Kalesija i općine Kaš, oblast Antalija u Republici Turskoj, a na osnovu obostrano izraženog interesa.

Član 2.

Sporazum iz člana 1. ove Odluke će sadržavati odredbe o saradnji u onim oblastima života i rada za koje strane u sporazumu budu iskazale interes i isti će biti sačinjen u duhu poboljšanja postojećih oblika dobre saradnje koji su uspostavljeni između Bosne i Hercegovine i Republike Turske.

Član 3.

U ime općine Kalesija predmetni sporazum će parafirati Općinski načelnik

Član 4.

O sadržini Sporazuma i drugih akata koji budu potpisani od strane dviju općina, kao i o njihovom provođenju, Općinski načelnik će informirati Općinsko vijeće.

Član 5.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1962
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

50

Na osnovu člana 29. Zakona o prostornom uređenju, ("SI. novine Tuzlanskog Kantona", broj 3/05), Odluke o pristupanju izmjenama i dopunama Odluke o provođenju regulacionog plana dijela naselja Kalesija - "Južna zona" i Odluke o usvajanju i provođenju izmjena i dopuna dijela regulacionog plana "Južna zona" Centar Kalesija, ("SI. glasnik općine Kalesija", broj 10/05), Zaključka Općinskog vijeća broj 01-05-1102 od 27.04.2007. godine, te člana 41. Statuta općine Kalesija ("Službeni glasnik općine Kalesija", broj 7/03 i 12/05), Općinsko vijeće na sjednici održanoj dana 12.07.2006. godine, d o n o s i

O D L U K U

o izmjenama i dopunama Odluke o provođenju regulacionog plana dijela naselja Kalesija - "Južna zona" i Odluke o usvajanju i provođenju izmjena i dopuna dijela regulacionog plana "Južna zona" Centar Kalesija

Član 1.

Regulacioni plan "Južna zona" Kalesija i regulacioni plan "Južna zona" Centar Kalesija, mijenjaju se u dijelu promjene gabarita i položaja objekata, kao i izmjeni namjene dijelova građevinskog zemljišta.

Član 2.

Sastavni dio ove Odluke su grafički prilozi izmjena regulacionih planova:

Namjena površina i objekata, R 1:1000,
Plan se mijenja na parcelama:

- k.č. broj 335/1 zvana Gaj u naravi njiva 6. klase u površini od 4680m² upisana u posjed Selimović Mehmeda Kasim iz Kikača sa dijelom posjeda 1/1.

Član 3.

Radi usklađivanja potreba stanovništva za stanovanjem, radom i rekreacijom, zaštitom i unapređenjem čovjekove sredine, u daljoj razradi urbanističko tehničke dokumentacije, primjenjivat će odredbe Zakona o prostornom uređenju TK i ove Odluke.

Član 4.

U cilju zaštite naselja od elementarnih nepogoda, te obezbjeđenje minimalnih uslova /a funkcionisanje centra grada u svim njegovim funkcijama (školstvo, zdravstvo, administrativni, kulturni i trgovački centar općine i grada), primjenjivat će se grafički prilozima osnovnih regulacionih planova "Južna zona" Kalesija i "Sjeverna zona" Kalesija, u dijelu osnovne infrastrukture: vodovod, kanalizacija, saobraćaj, elektro-mreža, toplifikacija naselja.

Član 5.

U fazi realizacije regulacionog plana, obavezno je pridržavati se utvrđene građevinske linije i namjene površina i objekata.

Utvrđuje se maksimalna visina objekata P+5+Potkrovlje.

Ni u kom slučaju ne može se odstupiti od utvrđene građevinske linije.

Član 6.

Ova odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1963
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

51

Na osnovu člana 41. Statuta općine Kalesija («Službeni glasnik općine Kalesija», broj 7/03 i 12/05), člana 32. stav 3. Poslovnika o radu Općinskog vijeća Kalesija („Sl. glasnik općine Kalesija“, broj 5/06, 8/06 i /07), Općinsko vijeće Kalesija, na sjednici održanoj dana 12.07.2007. godine, d o n o s i

ODLUKU

o formiranju Komisije za izradu Nacrta Odluke o izmjenama i dopunama Statuta općine Kalesija

Član 1.

Formira se komisija za izradu Nacrta Odluke o izmjenama i dopunama Statuta općine Kalesija, u sastavu:

1. Hajrudin Huseinović, predsjednik,
2. Halil Aščić, član,
3. Ferid Rizvanović, član,
4. Fahrudin Mustafić, član,
5. Jasmin Valjevac, član.

Član 2.

Zadatak Komisije iz člana 1. ove Odluke je da izvrši usklađivanje teksta Statuta općine Kalesija sa Zakonom o principima lokalne samouprave u Federaciji Bosne i Hercegovine (“Sl. novine FBiH”, broj 49/06) i svim pozitivnim propisima sa kojima nije usklađen Statut, te da tako usaglašeni tekst u formi nacrta uputi Općinskom vijeću na provođenje dalje procedure.

Član 3.

Ova Odluka stupa na snagu danom objavljivanja u “Službenom glasniku općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1964
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

52

Na osnovu člana 2.12. stav 5. Izbornog zakona BiH („Sl. glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06 i 24/06), akta Centralne izborne komisije BiH, broj 05-07-1-802/07 od 05.03.2007. godine i člana 41. Statuta općine Kalesija («Sl. glasnik općine Kalesija», broj 7/03, 12/05), Općinsko vijeće Kalesija, na sjednici održanoj dana 12.07.2007. godine, d o n o s i

ODLUKU

o razrješenju člana Općinske izborne komisije Kalesija

I

Hajrudin (Halil) Đedović, razrješava se dužnosti člana Općinske izborne komisije Kalesija, zbog smrti.

II

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1965
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

53

Na osnovu člana 2.12. stav 5. Izbornog zakona BiH („Sl. glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06 i 24/06), akta Centralne izborne komisije BiH, broj 05-07-1-802/07 od 05.03.2007. godine i člana 41. Statuta općine Kalesija («Sl. glasnik općine Kalesija», broj 7/03, 12/05), Općinsko vijeće Kalesija, na sjednici održanoj dana 12.07.2007. godine, d o n o s i

ODLUKU

o imenovanju člana Općinske izborne komisije Kalesija

I

Ovom Odlukom **Osmo Halilović iz Kalesije**, imenuje se za člana Općinske izborne komisije Kalesija.

II

Ova Odluka stupa na snagu danom davanja saglasnosti od strane Centralne izborne Komisije BiH, a objavit će se u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1966
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

54

Na osnovu člana 24. Zakona o principima lokalne samouprave u Federaciji Bosne i Hercegovine («Službene novine Federacije BiH», broj: 49/06) i člana 41. Statuta općine Kalesija («Službeni glasnik općine Kalesija», broj 7/03 i 12/05), a nakon provedenog referenduma 30.06.2007. godine za naseljeno područje Jeginov Lug, Općinsko vijeće Kalesija, na sjednici održanoj dana 12.07.2007. godine, d o n o s i

ODLUKU

o formiranju Mjesne zajednice Jeginov Lug

I

Formira se nova mjesna zajednica za naseljeno mjesto Jeginov Lug njegovim izdvajanjem iz sastava Mjesne zajednice Tojšići.

II

Naziv mjesne zajednice je: Mjesna zajednica Jeginov Lug.

Sjedište Mjesne zajednice Jeginov Lug je u naseljenom mjestu Jeginov Lug.

III

Granica između Mjesne zajednice Jeginov Lug i Mjesne zajednice Tojšići utvrdit će se sporazumom između ovih mjesnih zajednica.

Granica iz prethodnog stava i granica Mjesne zajednice Jeginov Lug sa drugim mjesnim zajednicama utvrđuje se u skladu sa Odlukom o granicama naseljenih mjesta na području općine Kalesija.

IV

U roku od 90 dana od dana stupanja na snagu ove Odluke izvršice se donošenje Statuta i konstituisanje organa Mjesne zajednice Jeginov Lug, u skladu sa zakonom i Statutom općine Kalesija.

V

Ova Odluka stupa na snagu narednog dana od dana objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-1967
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

55

Na osnovu člana 41. Statuta općine Kalesija («Službeni glasnik općine Kalesija», broj 7/03 i 12/05), Općinsko vijeće Kalesija, na sjednici održanoj dana 12.07.2007. godine, d o n o s i

ODLUKU

o utvrđivanju lokacije i visine naknade za odlaganje zemlje i građevinskog otpadnog materijala na području općine Kalesija

Član 1.

Ovom Odlukom utvrđuje se lokacija i visina naknade za odlaganje i konačnu dispoziciju zemlje i građevinskog otpadnog materijala na području općine Kalesija.

Član 2.

Pod građevinskim otpadnim materijalom u smislu člana 1. ove Odluke podrazumijeva se kamen, šljunak, pijesak, beton i betonski proizvodi, sve vrste opeka, cigle, siporeks, keramika, crijep i sl.

Član 3.

Lokacija za odlaganje i konačnu dispoziciju zemlje i građevinskog otpadnog materijala utvrđuje se na lokalitetu zvanom

"Vukovina" na zemljištu označenom sa k.č.br.3 K.O.Vacetina po novom premjeru, a po starom premjeru označene sa k.č.broj. 1/3 K.O.Gojčin u površini od 7.000 m² i to na dijelu na kojem je vršena eksploatacija nemineralnih sirovina-kamena.

Član 4.

Zabranjuje se odlaganje ostalog građevinskog i komunalnog otpada na deponiju osim građevinskog materijala iz člana 2. ove Odluke.

Član 5.

Uređenje deponije (zemlje i građevinskog otpadnog materijala) povjerava se Komunalnom preduzeću "Komunalac" DD Kalesija.

Član 6.

Pravna i fizička lica koja imaju potrebu za odvoz, odlaganje i konačnu dispoziciju zemlje i građevinskog otpadnog materijala dužna su plaćati naknadu u visini od 1 KM (jedna KM) po m³ deponovanog materijala na račun KP "Komunalac" DD Kalesija na ime uređenja deponije.

Član 7.

Nadzor nad izvršenjem ove Odluke vršit će nadležni inspeksijski organi Općine Kalesija.

Član 8.

Ova Odluka stupa na snagu danom objavljivanja u „Službenom glasniku Općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1968
Datum, 13.07.2007. godine

PREDSJEDAVALAČI
OPĆINSKOG VIJEĆA

Hata Mujčinović, dip. ing. tehn. s.r.

RJEŠENJE

1. U tački 1. dispozitiva rješenja broj 01-05-2-265/05 od 31.01.2005. godine, donešenog od strane Općinskog vijeća Kalesija, riječi: „SUR konoba „Bosna“ Kalesija u vlasništvu Vildić Fadila iz Kalesije“, zamjenjuju se riječima „Vildić (Muje) Fadilu iz Kalesije“.

2. Zemljišno-knjižni ured Općinskog suda Kalesija izvršit će brisanje dosadašnjeg korisnika i izvršiti uknjižbu prava korištenja na dodijeljenoj nekretnini u korist Vildić (Muje) Fadila iz Kalesije sa dijelom od 1/1.

Obrazloženje

Vildić (Muje) Fadil iz Kalesije, dana 29.05.2007. godine, obratio se Općinskom vijeću Kalesija sa zahtjevom za ispravku pravosnažnog rješenja o dodjeli zemljišta na korištenje radi građenja neizgrađenog građevinskog zemljišta.

Uz zahtjev imenovani je priložio:

- fotokopiju zemljišno-knjižnog izvodka,
- fotokopiju rješenja Općinskog vijeća Kalesija o dodjeli zemljišta na korištenje broj 01-05-2-265/05 od 31.01.2005. godine,
- fotokopiju prijave na konkurs za dodjelu zemljišta na korištenje,
- fotokopiju rješenja broj 04/1-354-19 od 31.03.1998. godine o osnivanju ugostiteljske radnje konoba „Bosna“ Kalesija,

U toku postupka utvrđeno je :

- Da je Vildić (Muje) Fadil iz Kalesije osnivač i vlasnik SUR konoba „Bosna“ Kalesija,
- da ima pravomoćno rješenje protiv kojeg se nemože izjaviti žalba u upravnom postupku, niti se može pokrenuti upravni spor,
- da se izmjena pravomoćnog rješenja vrši po zahtjevu stranke,
- da se izmjenom pravomoćnog rješenja ne vrijeđa pravo trećih osoba,
- da se izmjena predmetnog rješenja ne protivi zakonu ili drugom propisu, a niti javnom interesu.

Prema članu 13. stav 1. Zakona o vlasničko-pravnim odnosima („Sl. novine FBiH“, broj 6/98 i 29/03), nosioci prava vlasništva su fizička i pravna lica.

Na osnovu Zakona o obrtu („Sl. novine FBiH“, broj 52/02 i 11/05) i izdatog rješenja o osnivanju ugostiteljske radnje jasno je da se radi o registriranoj obrtničkoj djelatnosti i da je obrtnik u smislu citiranog zakona fizičko lice koje obavlja djelatnost u svoje ime i za svoj račun i da je vlasnik svih pokretnih i nepokretnih stvari koje su mu neophodne za obavljanje registrirane djelatnosti. SUR konoba „Bosna“ Kalesija je samo naziv firme pod kojom će se radnja voditi, te samim tim nema status pravnog niti fizičkog lica,

56

Na osnovu člana 44. Zakona o građevinskom zemljištu („Sl. novine FBiH“, broj 25/03, 16/04 i 67/05, člana 22. Odluke o građevinskom zemljištu („Sl. glasnik općine Kalesija“, broj 1/04), člana 41. Statuta općine Kalesija („sl. glasnik općine Kalesija“, broj 7/03 i 12/05) i člana 262. stav 4. Zakona o upravnom postupku („Sl. novine FBiH“, broj 2/98 i 48/99), Općinsko vijeće Kalesija na sjednici održanoj dana 12.07.2007. godine, d o n o s i

te shodno tome nemože ni biti nosilac imovinskih prava.

Na osnovu utvrđenog činjeničnog stanja, a u skladu sa članom 262. stav 1. Zakona o upravnom postupku FBiH, odlučeno je kao u dispozitivu rješenja.

Protiv ovog rješenja nemože se izjaviti žalba, već se može pokrenuti upravni spor kod kantonalnog suda u Tuzli u roku od 30 dana od dana prijema ovog rješenja.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2-1969
Datum, 13.07.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dip. ing. tehn. s.r.

Administrativna komisija

57

Na osnovu člana 41. Statuta općine Kalesija («Službeni glasnik općine Kalesija», broj 7/03 i 12/05), člana 33. i 51. Poslovnika o radu Općinskog vijeća Kalesija («Službeni glasnik općine Kalesija» broj 5/06, 8/06 i 5/07), Administrativna komisija Općinskog vijeća Kalesija je na sjednici održanoj dana 06.07.2007. godine, donijela

ODLUKU

o potvrđivanju Odluke o utvrđivanju koeficijenata za obračun plata Općinskom načelniku, Općinskom pravobraniocu i Sekretaru Općinskog vijeća

I

Ovom Odlukom potvrđuje se Odluka o utvrđivanju koeficijenata za obračun plata Općinskom načelniku, Općinskom pravobraniocu i Sekretaru Općinskog vijeća („Sl. glasnik općine Kalesija“, broj 4/07).

II

Odluka stupa na snagu danom donošenja, a objavit će se u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Administrativna komisija
Broj: 01-05-2-1937/2
Datum, 06.07.2007. godine

PREDSJEDNIK

Salih Hodžić s.r.

58

Na osnovu člana 41. Statuta općine Kalesija («Službeni glasnik općine Kalesija», broj 7/03 i 12/05), člana 33. i 51. Poslovnika o radu Općinskog vijeća Kalesija («Službeni glasnik općine Kalesija» broj 5/06, 8/06 i 5/07), Administrativna komisija Općinskog vijeća Kalesija je na sjednici održanoj dana 06.07.2007. godine, donijela

ODLUKU

o utvrđivanju koeficijenata za obračun plata rukovodećih državnih službenika – pomoćnika Općinskog načelnika

I

Ovom Odlukom utvrđuju se koeficijenti koji predstavljaju polaznu osnovu za utvrđivanje plate koje se isplaćuju iz budžeta općine Kalesija za rukovodeće državne službenike – pomoćnike Općinskog načelnika, kako slijedi

Rukovodeći državni službenici – pomoćnici Općinskog načelnika..... koeficijent za obračun plate 3,30.

II

Ova Odluka stupa na snagu danom donošenja, primjenjivat će se od 01.07.2007. godine, a objavit će se u „Sl. glasniku općine Kalesija“.

III

Stupanjem na snagu ove Odluke prestaju se primjenjivati dosadašnji koeficijenti za obračun plate za rukovodeće državne službenike – pomoćnike Općinskog načelnika.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Administrativna komisija
Broj: 01-05-2-1938
Datum, 06.07.2007. godine

PREDSJEDNIK

Salih Hodžić s.r.

59

Na osnovu 33. i 51. Poslovnika o radu Općinskog vijeća Kalesija («Službeni glasnik općine Kalesija», broj 5/06, 8/06 i 5/07), Administrativna komisija na sjednici održanoj dana 14. 04.2007. godine, d o n o s i

ODLUKU

I

Ovom Odlukom utvrđuje se naknada jednom članu Komisije za etički kodeks izabranih zvaničnika koji prisustvuje sjednicama i nastavku sjednica Općinskog vijeća Kalesija, a nije iz reda vijećnika.

II

Naknada iz tačke I ove Odluke iznosi 50,00 KM (pedesetkonvertibilnihmaraka) po

po održanoj sjednici.

Ukoliko jedna sjednica iz tačke I ove Odluke ima više nastavaka plaća se jedan nastavak.

III

Ova Odluka stupa na snagu danom donošenja, a objavit će se u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Administrativna komisija
Broj: 01-05-2-1273/2
Datum, 30.04.2007. godine

PREDSJEDNIK

Salih Hodžić s.r.

OPĆINSKI NAČELNIK

60

Na osnovu člana 7. Zakona o javnim nabavkama Bosne i Hercegovine ("Sl. glasnik BiH" br. 49/04 i 19/05) i člana 56. Statuta općine Kalesija ("Sl. glasnik općine Kalesija" br. 7/03), Općinski načelnik Kalesija, dana 11.06.2007. godine, d o n o s i

RJEŠENJE

o razrješenju i imenovanju člana Komisije za provođenje postupka javnih nabavki

I

Razrješava se dužnosti člana Komisije za provođenje postupka javnih nabavki općine Kalesija Hajrudin Đedović, zbog smrti.

II

Umjesto člana Komisije iz tačke I ovog rješenja imenuje se Ferid Rizvanović

III

Novoimenovani član Komisije dužan je čuvati kao poslovnu tajnu, sve podatke i saznanja koja stekne u radu Komisije, o čemu je dužan potpisati izjavu o čuvanju službene tajne (povjerljivosti) u postupku nabavke, koja je sastavni dio ovog Rješenja, kao i izjavu o nepristrasnosti u odnosu na ponuđače, za svaki pojedinačni postupak.

IV

Ovo Rješenje stupa na snagu danom donošenja i bit će objavljeno u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-2288-5/05
Datum: 11.06.2007. godine

OPĆINSKI NAČELNIK

Rasim Omerović s.r.

61

Na osnovu člana 15. Zakona o principima lokalne samouprave ("Sl. novine FBiH" br. 49/06) i člana 56. Statuta općine Kalesija ("Sl. glasnik općine Kalesija" br. 7/03 i 12/05), Općinski načelnik Kalesija, dana 19.06.2007. godine, d o n o s i

RJEŠENJE

o imenovanju Komisije za provođenje referenduma o formiranju nove mjesne zajednice na području općine Kalesija

I

U Komisiju za provođenje referenduma o formiranju nove mjesne zajednice na području općine Kalesija, imenuju se:

1. Rizvanović Ferid – predsjednik,
2. Hodžić Enis – član,
3. Valjevac Jasmin – član,
4. Karahodžić Ševal – član i
5. Bajrić Mevludin – sekretar.

II

Zadatak Komisije je da:

- Provede kompletnu proceduru referenduma o osnivanju nove mjesne zajednice na području općine Kalesija (Jeginov Lug).
- Da formira biračke odbore.
- Sačini Izvještaj o provedenom referendumu.
- Sačini prijedlog Odluke o osnivanju nove mjesne zajednice Jeginov Lug.

III

Ovo Rješenje stupa na snagu danom donošenja i bit će objavljeno u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-1642/07
Datum: 19.06.2007. godine

OPĆINSKI NAČELNIK

Rasim Omerović s.r.

JU CENTAR ZA SOCIJALNI RAD

62

Na osnovu člana 12. Zakona o ministarstvima, vladinim i drugim imenovanjima FBiH („Sl. novine FBiH“, broj 34/03), te člana 27. Zakona o ustanovama („Sl. list R BiH“, broj 6/92 i 13/94), te člana 16. stav 3. Pravila JU Centra za socijalni rad Kalesija, Upravni odbor Centra za

socijalni rad Kalesija, dana 14.06.2007. godine,
d o n o s i

ODLUKU

o imenovanju direktora JU Centar za
socijalni rad Kalesija

I

Na osnovu objavljenog konkursa, te u skladu sa zakonskim uslovima i predviđenom procedurom, Upravni odbor donio je odluku da se za direktora JU Centar za socijalni rad u Kalesiji imenuje, **Jusufović Hazim** sin **Salih**, diplomirani socijalni radnik iz Gornje Kalesije.

II

Odluku o imenovanju direktora iz tačke I ove Odluke donešena je jednoglasno i javnim izjašnjavanjem članova Upravnog odbora, uz prethodno dobijenu saglasnost osnivača.

III

Ova Odluka stupa na snagu danom donošenja, a primjenjivat će se od 18.06.2007. godine, kada započinje mandat direktoru, a objavit će se u „Službenom glasniku općine Kalesija“.

JU CENTAR ZA SOCIJALNI RAD

K A L E S I J A

Broj: 01-05-346

Datum, 14.06.2007. godine

PREDSJEDNIK

UPRAVNOG ODBORA

Jasmin Valjevac, dipl. pravnik, s.r.

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
49. Odluka o davanju saglasnosti na zaključenje Sporazuma o bratimljenju općine Kalesija i općine Kaš	48	60. Rješenje o razrješenju i imenovanju člana Komisije za provođenje postupka javnih nabavki.	53
50. Oduka o izmjenama i dopunama Odluke o provođenju regulacionog plana dijela naselja Kalesija - "Južna zona" i Odluke o usvajanju i provođenju izmjena i dopuna dijela regulacionog plana "Južna zona" Centar Kalesija	48	61. Rješenje o imenovanju Komisije za provođenje referenduma o formiranju nove mjesne zajednice na području općine Kalesija	53
51. Odluka o formiranju Komisije za izradu Nacrta Odluke o izmjenama i dopunama Statuta općine Kalesija	49	JU CENTAR ZA SOCIJALNI RAD	
52. Odluka o razrješenju člana Općinske izborne komisije Kalesija	49	62. Odluka o imenovanju direktora JU Centar za socijalni rad Kalesija..	54
53. Odluka o imenovanje člana Općinske izborne komisije Kalesija	50		
54. Odluka o formiranju Mjesne zajednice Jeginov Lug	50		
55. Odluka o utvrđivanju lokacije i visine naknade za odlaganje zemlje i građevinskog otpadnog materijala na području općine Kalesija	50		
56. Rješenje o dodjeli zemljišta	51		
ADMINISTRATIVNA KOMISIJA			
57. Odluka o potvrđivanju Odluke o utvrđivanju koeficijenata za obračun plana Općinskom načelniku, Općinskom pravobraniocu i Sekretaru Općinskog vijeća	52		
58. Odluka o utvrđivanju koeficijenata za obračun plata rukovodećih državnih službenika pomoćnika Općinskog načelnika	52		
59. Odluka o određivanju naknade članu Komisije za etički kodeks	52		